

SEMITA

Prima mate ria eorum. Modū autem conuertendi infra doce ria metallo bo, Illo habitō, soluitur opinio eorum, qui dicunt rum, species metallorum conuerti non posse, & hoc verum est, vt ipsi dicunt, nisi in materiam primam reducantur, Reductio autem ipsorum est facilis in primam materiam vt ostendam. Et transmutatio est facilis & possibilis. Nam omne crescens vel nascens multiplicatur in sua specie, vt homines, arbores, grana & huiusmodi. Nam ex uno grano mille generantur. Ergo possibile est augeri res usq; in infinitum. Ex prædictis apparet subtiliter intuenti, philosophos in suis libris dixisse obscura sed vera. Dixerunt enim quod lapis noster est ex corpore & anima & spiritu, & verum dicunt. Nam corpus imperfectum comparauerūt corpori propter hoc quod est infirmum, & aquā spiritum dixerunt, & vere spiritus est, quia corpori imperfecto & per se mortuo vitā tribuit, quam prius non habebat, & in meliorem formam producit. Fermentum animam dixerunt, quod si cut infra dicetur corpori imperfecto similiter vītā tribuit, et in sui naturā eleuat et conuertit. Philosophus dicit: cōuerte naturas, et quod quæris inuenies, & hoc est verū: Nā in nostro magisterio primo facimus de grossō gracile. i. de corpore spiritū, & postmodum de humido siccum. i. de aqua terrā & sic naturas cōuertimus, & facimus superius inferius,